

四庫全書

集部

欽定四庫全書

花間集卷六

五十一首

後蜀 趙崇祚 編

歐陽炯十三首

南鄉子八首

獻衷心一首

賀明朝二首

江城子一首

鳳樓春一首

和凝二十首

小重山二首

臨江仙二首

菩薩蠻一首

山花子二首

河滿子二首

薄命女一首

望梅花一首

天仙子二首

春光好二首

採桑子一首

柳枝三首

漁父一首

顧夔十八首

虞美人六首

河傳三首

甘州子五首

玉樓春四首

南鄉子

歐陽炯

嫩草如烟石榴花發海南天日暮江亭春影綠鴛鴦浴
水遠山長看不足

畫舸停橈槿花籬外竹橫橋水上遊人沙上女迴顧笑
指芭蕉林裏住

岸遠沙平日斜歸路晚霞明孔雀自憐金翠尾臨水認
得行人驚不起

洞口誰家木蘭船繫木蘭花紅袖女郎相引去遊南浦
笑倚春風相對語

二八花鈿胸前如雪臉如蓮耳墜金鬟穿瑟瑟霞衣窄
笑倚江頭招遠客

路入南中桄榔葉暗蓼花紅兩岸人家微雨後收紅豆
樹底纖纖擡素手

袖斂鮫綃採香深洞笑相邀藤杖枝頭蘆酒滴鋪葵席
豆蔻花間趁晚日

翡翠鵲鵲白蘋香裏小沙汀
島上陰陰秋雨色蘆花撲
數隻漁船何處宿

獻衷心

見好花顏色爭笑東風雙臉上
晚粧同閉小樓深閨春
景重重三五夜偏有恨月明中
情未已信曾通滿衣
猶自染檀紅恨不如雙燕飛舞
簾櫳春欲暮殘絮盡柳
條空

賀明朝

憶昔花間初識面紅袖半遮粧臉輕轉石榴裙帶故將
纖纖玉指偷撚雙鳳金線碧梧桐鎖深深院誰料得
兩情何日教繾綣羨春來雙燕飛到玉樓朝暮相見
憶昔花間相見後只憑纖手暗拋紅豆人前不解巧傳
心事別來依舊辜負春晝碧羅衣上蹙金繡覩對對
鴛鴦空裏淚痕透想韶顏非久終是為伊只凭偷瘦

江城子

晚日金陵岸草平落霞明水無情六代繁華暗逐逝波

聲空有姑蘇臺上月如西子鏡照江城

鳳樓春

鳳髻綠雲叢深掩房櫳錦書通夢中相見覺來慵勻面
淚臉珠融因想玉郎何處去對淑景誰同小樓中春
思無窮倚闌顚望闌牽愁緒柳花飛起東風斜日照簾
羅幌香冷粉屏空海棠零落鶯語殘紅

小重山

和凝

春入神京萬木芳禁林鶯語滑蝶飛狂曉花擎露妬啼

粧紅日永風和百花香
烟鎖柳絲長御溝澄碧水轉
池塘時時微雨洗風光
天衢遠到處引笙簧

正是神京爛漫時羣仙初折得
却詵枝烏犀白紵最相
宜精神出御陌袖鞭坐
柳色展愁眉管絃分響亮探
花期光陰占斷曲江池
新榜上名姓徹丹墀

臨江仙

海棠香老春江晚
小樓霧縠空濛翠鬟初出綉簾中
麝
烟鸞珮惹蘋風
碾玉釵搖鵝鵲戰雪肌雲鬢將融含

情遙指碧波東越王臺殿蓼花紅

披袍宰地紅宮錦鸞語時轉輕音碧羅冠子穩犀簪鳳
皇雙颭步搖金 肌骨細勻紅玉軟臉波微送春心嬌
羞不肯入鴛衾蘭膏光裏兩情深

菩薩蠻

越梅半折輕寒裏水清澹泊籠藍水暖覺杏梢紅遊絲
狂惹風 閑堦莎徑碧遠夢猶堪惜離恨又迎春相思
難重陳

山花子

鶯錦蟬穀馥麝臍輕裾花草曉烟迷
鵲鵲戰金紅掌墜
翠雲低
星靨笑隈霞臉畔
蹙金開檐襯銀泥
春思半和芳草嫩碧萋萋

銀字笙寒調正長水紋簾冷畫屏涼
玉腕重金扼臂淡
梳妝
幾度試香纖手暖
一迴嘗酒絳脣光
佯弄紅絲繩拂子打檀郎

河滿子

正是破瓜年幾含情慣得人饒桃李精神鸚鵡舌可堪
虛度良宵却愛藍羅裙子羨他長束纖腰

寫得魚牋無限其如花鎖春輝目斷巫山雲雨空教殘
夢依依却愛熏香小鴨羨他長在屏幃

薄命女 一名長命女

天欲曉宮漏穿花聲繚繞窻裏星光少冷霞寒侵帳額
殘月光沉樹杪夢斷錦幃空悄悄強起愁眉小

望梅花

春草全無消息臘雪猶餘蹤跡越嶺寒枝香自折冷豔
奇芳堪惜何事壽陽無處覓吹入誰家橫笛

天仙子

柳色披衫金縷鳳纖手輕拈紅豆弄翠蛾雙斂正含情
桃花洞瑤臺夢一片春愁誰與共

洞口春紅飛鞞鞞仙子含愁眉黛綠阮郎何事不歸來
嬾燒金慵篆玉流水桃花空斷續

春光好

紗窓暖畫屏閒。彈雲鬟睡起，四肢無力。半春間。玉指
剪裁羅勝。金盤點綴酥山。窺宋深心，無限事、小眉彎。
蘋葉軟，杏花明。畫船輕雙浴鴛鴦。出淶汀。棹歌聲。春
水無風，無浪。春天半。雨半晴。紅粉相隨。南浦晚。幾含情。

採桑子

蝤蛴領上訶梨子。綉帶雙垂。椒戶閑時。競學樗蒲賭荔
枝。叢頭鞋子紅編細。裙窄金絲。無事頻眉。春思翻教
阿母疑。

柳枝

軟碧搖烟似送人
映花時把翠蛾頻
青青自是風流主
慢颭金絲待洛神

瑟瑟羅裙金縷腰
黛眉隈破未重描
醉來咬損新花子
拽住仙郎盡放嬌

鵲橋初就咽銀河
今夜仙郎自姓和
不是昔年攀桂樹
豈能月裡索姮娥

漁父

白芷汀寒立鷺鶯鶯頻風輕剪浪花時烟冪冪日遲遲香
引芙蓉惹釣絲

虞美人

顧 覓

曉鶯啼破相思夢簾卷金泥鳳宿粧猶在酒初醒翠翹
慵整倚雲屏轉娉婷香檀細畫侵桃臉羅袂輕輕斂
佳期堪恨再難尋綠蕪滿院柳成陰負春心

觸簾風送景陽鐘鴛被繡花重曉幃初卷冷烟濃翠勻
粉黛好儀容思嬌慵起來無語理朝粧寶匣鏡凝光

綠荷相倚滿池塘露清枕簟藕花香恨悠揚

翠屏閑掩垂珠箔絲雨籠池閣露粘紅藕咽清香謝娘
嬌極不成狂罷朝粧 小金鵝鵲沉烟細膩枕堆雲髻

淺眉微斂炷檀輕舊歡時有夢魂驚悔多情

輕一作香

碧梧桐映紗窓晚花謝鶯聲嬾小屏屈曲掩青山翠幃
香粉玉爐寒兩蛾攢 顛狂年少輕離別辜負春時節
畫羅紅袂有啼痕魂銷無語倚閨門欲黃昏

深閨春色勞思想恨共春蕪長黃鸝嬌嚀詭芳妍杏枝

如畫倚輕烟鎖窓前
凭闌愁立雙蛾細
柳影斜搖砌
玉郎還是不還家
教人魂夢逐楊花
繞天涯

少年豔質勝瓊英
早晚別三清
蓮冠穩簪鈿篋橫
飄飄羅袖碧雲輕
畫難成
遲遲少轉腰身
裊翠靨
眉心小
顰壇風急杏枝香
此時恨不駕鸞皇
訪劉郎

河傳

燕颺晴景小
窓屏暖鴛鴦交頸
菱花掩却翠鬟
敝慵整
海棠簾外影
綉幃香斷金鸂鶒
無消息
心事空相憶

倚東風春正濃愁紅淚痕衣上重

曲檻春晚碧流紋細綠楊絲軟露花鮮杏枝繁鶯轉野
蕪平似剪直是人間到天上堪遊賞醉眼疑屏障對
池塘惜韶光斷腸為花須盡狂

棹舉舟去波光渺渺不知何處岸花汀草共依依雨微
鷓鴣相逐飛天涯離恨江聲咽啼猿切此意向誰說
倚蘭橈獨無慘魂銷小鑪香欲焦

甘州子

一爐龍麝錦帷傍
屏掩映燭熒煌
禁樓刁斗喜初長
羅薦綉鴛鴦
山枕上私語口脂香

每逢清夜與良晨
多悵望足傷神
雲迷水隔意中人
寂寞綉羅茵
山枕上幾點淚痕新

曾如劉阮訪仙蹤
深洞客此時逢
綺筵散後綉衾同
款曲見韶容
山枕上長是怯晨鍾

露桃花裏小樓深
持玉盞聽瑤琴
醉歸青瑣入鴛衾
月色照衣襟
山枕上翠鈿鎮眉心

紅鑪深夜醉調笙
敲拍處玉纖輕
小屏古畫岸低平
烟月滿開庭
山枕上燈背臉波橫

玉樓春

月照玉樓春漏促
颯颯風搖庭砌竹
夢驚鴛鴦被覺來時
何處管絃聲斷續
惆悵少年遊冶去
枕上兩蛾攢細
綠曉鶯簾外語
花枝背帳猶殘紅蠟燭

柳映玉樓春日晚
雨細風輕烟草軟
畫堂鸚鵡語雕籠
金粉小屏猶半掩
香滅綉幃人寂寂
倚檻無言愁思


遠恨郎何處縱疎狂長使含啼眉不展

月皎露華窻影細風送菊香粘綉袂博山爐冷水沉微
惆悵金閨終日閑 嬾展羅衾垂玉筯羞對菱花簪寶
髻良宵好事枉教休無計那他狂耍壻

拂水雙飛來去燕曲檻小屏山六扇春愁凝思結眉心
綠綺嬾調紅錦薦 話別情多聲欲戰玉筯痕留紅粉

面鎮長獨立到黃昏却怕良宵頻夢見

顫戰
通用



花間集卷六

欽定四庫全書

集部
花間集卷七
十五

詳校官編修臣周瓊

侍讀臣孫球覆勘

總校官庶吉士臣張能照

校對官編修臣裴謙

謄錄監生臣倪時慶

欽定四庫全書

花間集卷七

五十首

後蜀 趙崇祚 編

顧夔三十七首

浣溪沙八首

酒泉子七首

楊柳枝一首

遐方怨一首

獻衷心一首

應天長一首

訴衷情二首

荷葉盃九首

漁歌子一首

臨江仙三首

醉公子二首

更漏子一首

孫光憲十三首

浣溪沙九首

河傳四首

浣溪沙

顧 覓

春色迷人恨正賒可堪蕩子不還家
細風輕露著梨花
簾外有情雙燕颺
檻前無力綠楊斜
小屏狂夢極天涯

紅藕香寒翠渚平月籠虛閣夜蛩清塞鴻驚夢兩牽情
寶帳玉爐殘麝冷羅衣金縷暗塵生小窓孤燭淚縱
橫

荷芰風輕簾幕香綉衣鷓鴣泳迴塘小屏閒掩舊瀟湘
恨入空幃鸞影獨淚凝雙臉渚蓮光薄情年少每思
量

惆悵經年別謝娘月窓花院好風光此時相望最情傷
青鳥不來傳錦字瑤姬何處鐫蘭房忍教魂夢兩茫茫

茫

庭菊飄黃玉露濃
冷莎隈砌隱鳴蛩
何期良夜得相逢
背帳風搖紅蠅
滴惹香暖夢綉衾重
覺來枕上怯晨鍾

雲澹風高葉亂飛
小庭寒雨綠苔微
深閨人靜掩屏幃
粉黛暗愁金帶枕
鴛鴦空繞畫羅衣
那堪辜負不思歸

雁響遙天玉漏清
小紗窻外月朧明
翠幃金鴨炷香平

何處不歸音信斷良宵空使夢魂驚簟涼枕冷不勝情

露白蟾明又到秋佳期幽會兩悠悠夢牽情役幾時休
記得詭人微斂黛無言斜倚小書樓暗思前事不勝愁

酒泉子

楊柳舞風輕惹春烟殘雨杏花愁顰正語畫樓東錦
屏寂寞思無窮還是不知消息鏡塵生珠淚滴損儀容

羅帶縷金蘭麝烟凝魂斷畫屏敲雲鬢亂恨難任幾
迴垂淚滴鴛衾薄情何處去月臨窻花滿樹信沉沉一月

登作

小檻日斜風度綠窻人悄悄翠幃閒掩舞雙鸞舊香寒
別來情緒轉難判韶顏看却老依稀粉上有啼痕暗
銷魂

黛薄紅深約掠綠鬟雲膩小鴛鴦金翡翠稱人心錦
鱗無處傳幽意海燕蘭堂春又去隔年書千點淚恨難

任

掩却菱花收拾翠鈿休上面金蟲玉燕鎖香奩恨耿耿
雲鬟半墜嬾重簪淚侵山枕濕銀燈背帳夢方酣雁
飛南

水碧風清入檻細香紅藕膩謝娘斂翠恨無涯小屏斜
堪憎蕩子不還家謾留羅帶結帳深枕膩炷沉烟負
當年

黛怨紅羞掩映畫堂春欲暮殘花微雨隔青樓思悠悠

芳菲時節看將度寂寞無人還獨語畫羅襦香粉污
不勝愁

楊柳枝

秋夜香閨思寂寥漏迢迢鴛幃羅幌麝烟銷燭光搖
正憶玉郎遊蕩去無尋處更聞簾外雨蕭蕭滴芭蕉

遐方怨

簾影細簾紋平象紗籠玉指縷金羅扇輕嫩紅雙臉似
花明兩條眉黛遠山橫鳳簫歇鏡塵生遼塞音書絕

夢魂長暗驚玉郎經歲負娉婷教人爭不恨無情

獻衷心

繡鴛鴦帳暖畫孔雀屏敲人悄悄月明時想昔年歡笑
恨今日分離銀缸背銅漏永阻佳期小爐烟細虛閣
簾垂幾多心事暗地思惟被嬌娥牽役魂夢如癡金閨
裏山枕上始應知

應天長

瑟瑟羅裙金線縷輕透鵝黃香畫袴垂交帶盤鸚鵡裊

裊翠翹移玉步 背人勻檀炷慢轉橫波偷覷斂黛春
情暗許倚屏慵不語

訴衷情

香滅簾垂春漏永整鴛衾羅帶重雙鳳縷黃金窗外月
光臨沉沉斷腸無處尋負春心

永夜拋人何處去絕來音香閣掩眉斂月將沉爭忍不
相尋怨孤衾換我心為你心始知相憶深

荷葉盃

春盡小庭花落寂寞凭檻斂雙眉忍教成病憶佳期知
摩知知摩知

歌發誰家筵上寥亮別恨正悠悠蘭缸背帳月當樓愁
摩愁愁摩愁

弱柳好花盡拆晴陌陌上少年郎滿身蘭麝撲人香狂
摩狂狂摩狂

記得那時相見膽戰鬢亂四肢柔泥人無語不擡頭羞
摩羞羞摩羞



夜久歌聲怨咽殘月菊冷露微微看看濕透縷金衣歸
摩歸歸摩歸

我憶君詩最苦知否字字盡關心紅牋寫寄表情深吟
摩吟吟摩吟

金鴨香濃鴛被枕膩小髻簇花鈿腰如細柳臉如蓮憐
摩憐憐摩憐

曲砌蝶飛烟暖春半花發柳垂條花如雙臉柳如腰嬌
摩嬌嬌摩嬌

一去又乖期信春盡滿院長莓苔手按帶獨徘徊來
摩來來摩來

漁歌子

曉風清幽沼綠倚闌凝望珍禽浴畫簾垂翠屏曲滿袖
荷香馥郁好攄懷堪寓目身閒心靜平生足酒盃深
光影促名利無心較逐

臨江仙

碧染長空池似鏡倚樓閒望凝情滿衣紅藕細香清象

床珍簾山障掩玉琴橫
暗想昔時歡笑事如今贏得
愁生博山鑪暖澹烟輕
蟬吟人靜殘日傍小窻明

幽閨小檻春光晚柳濃花淡
鴛鴦稀舊歡思想尚依依翠
頰紅斂終日損芳菲
何事狂夫音信斷不如梁燕猶
歸畫堂深處麝烟微
屏虛枕冷風細雨霏霏

月色空簾風入竹倚屏雙黛
愁時砌花含露兩三枝如
啼恨臉魂斷損容儀
香燼暗銷金鴨冷可堪辜負前
期綉襦不整鬢髮散
幾多惆悵情緒在天涯

醉公子

漠漠秋雲澹紅藕香侵檻枕倚小山屏金鋪向晚扃
睡起橫波慢獨望情何限哀柳數聲蟬魂銷似去年
岸柳垂金線雨晴鶯百轉家住綠楊邊往來多少年
馬嘶芳草遠高樓簾半捲斂袖翠蛾攢相逢爾許難

更漏子

舊歡娛新悵望擁鼻含嚔樓上濃柳翠晚霞微江鷗接
翼飛簾半捲屏斜掩遠岫參差迷眼歌滿耳酒盈樽

前非不要論

浣溪沙

孫光憲

夢岸風多橘柚香
江邊一望楚天長
片帆烟際閃孤光
目送征鴻飛杳杳
思隨流水去茫茫
蘭紅波碧憶瀟湘

桃杏風香簾幕閒
謝家門戶約花關
畫梁幽語燕初還
繡閣數行題了壁
曉屏一枕酒醒山
却疑身是夢魂間

花漸凋疎不耐風。畫簾垂地晚堂空。墮堦紫蘚舞愁紅。
膩粉半粘金靨子。殘香猶暖綉薰籠。蕙心無處與人

同

攬鏡無言淚欲流。凝情半日嬾梳頭。一庭疎雨濕春愁。
楊柳祇知傷怨別。杏花應信損嬌羞。淚沾魂斷軫離
憂

半踏長裾宛約行。晚簾疎處見分明。此時堪恨昧平生。
早是銷魂殘燭影。更愁聞著品絃聲。杳無消息若為

情

蘭沐初休曲檻前
暖風遲日洗頭天
濕雲新斂未梳蟬
翠袂半將遮粉臆
寶釵長欲墜香肩
此時模樣不禁
憐

風遞殘香出繡簾
團窠金鳳舞檐檐
落花微雨恨相兼
何處去來狂太甚
空推宿酒睡無厭
爭教人不別猜
嫌

輕打銀箏墜燕泥
斷絲高罨畫樓西
花冠閒上午牆啼

粉籜半開新竹選紅苞盡落舊桃蹊不堪終日閑深
閨

烏帽斜敝倒佩魚靜街偷步訪仙居隔牆應認打門初
將見客時微掩斂得人憐處且生疎低頭羞問壁邊
書

河傳

太平天子等閑遊戲疏河千里柳如絲隈倚淥波春水
長淮風不起如花殿脚三千女爭雲雨何處留人住

錦帆風烟際紅燒空魂迷大業中

柳拖金縷著烟籠霧濛濛落絮鳳皇舟上楚女妙舞雷
喧波上鼓 龍爭虎戰分中土人無主桃葉江南渡裴
花牋豔思牽成篇官娥相與傳

花落烟薄謝家池閣寂寞春深翠蛾輕斂意沉吟沾襟
無人知此心 玉爐香斷霜灰冷簾鋪影梁燕歸紅杏
晚來天空悄然孤眠枕檀雲髻偏

風颭波斂團荷閃閃珠傾露點木蘭舟上何處吳娃越

豔藕花紅照臉

大堤狂殺襄陽客
烟波隔渺渺湖光

白身已歸心不歸
斜暉遠汀鷓鴣飛

花間集卷七

欽定四庫全書

花間集卷八

四十九首

後蜀 趙崇祚 編

孫光憲四十七首

菩薩蠻五首

河瀆神二首

虞美人二首

後庭花二首

生查子三首

臨江仙二首

酒泉子三首

清平樂二首

更漏子二首

女冠子二首

風流子三首

定西番二首

河滿子一首

玉胡蝶一首

八拍蠻一首

竹枝一首

思帝鄉一首

上行盃二首

謁金門一首

思越人二首

楊柳枝四首

望梅花一首

漁歌子二首

魏承班二首

菩薩蠻二首

菩薩蠻

孫光憲

月華如水籠香砌，金鑲碎撼門初閉。
寒影墮高簷，鈎垂一面簾。
碧烟輕裊裊，紅戰燈花笑。
即此是高唐，掩屏秋夢長。

花冠頻鼓牆頭翼，東方澹白連窓色。
門外早鶯聲，背樓殘月明。
薄寒籠醉態，依舊鉛華在。
握手送人歸，半拖

金縷衣

小庭花落無人掃
疎香滿地東風老
春晚信沉沉天涯
何處尋
曉堂屏六扇
眉共湘山遠
爭那別離心近來
尤不禁

青岩碧洞經朝雨
隔花相喚南溪去
一隻木蘭船波平
遠浸天
扣船驚翡翠
嫩玉擡香臂
紅日欲沉西烟中

遙解鰲

船一作舩

木綿花映叢祠小
越禽聲裏春光曉
銅鼓與蠻歌南人

祈賽多 客帆風正急
茜袖隈牆立 極浦幾迴頭
烟波無限愁

河瀆神

汾水碧依依 黃雲落葉初飛
翠娥一去不言歸 廣門空掩
斜暉 四壁陰森排古畫
依舊瓊輪羽駕 小殿沉沉
清夜銀燈飄落香燭

江上草芊芊 春晚湘妃廟前
一方卵色楚南天 數行斜雁
聯翩 獨倚朱闌情不極
魂斷終朝相憶 兩漿不知

消息遠汀時起鷓鴣

虞美人

紅窻寂寂無人語
暗淡梨花雨
綉羅紋地粉新描
博山香炷旋抽條
睡魂銷
天涯一去無消息
終日長相憶
教人相憶幾時休
不堪棖觸別離愁
淚還流

好風微揭簾旌起
金翼鸞相倚
翠簷愁聽乳禽聲
此時春態暗闌情
獨難平
畫堂流水空相翳
一穗香搖曳
教人無處寄相思
落花芳草過前期
沒人知

後庭花

景陽鍾動宮鶯轉露涼金殿輕飈吹起瓊花綻玉葉如
剪晚來高閣上珠簾卷見墜香千片脩蛾慢臉陪雕
輦後庭新宴

石城依舊空江國故宮春色七尺青絲芳草綠絕世難
得玉英凋落盡更何人識野棠如織只是教人添怨
憶悵望無極

生查子

寂寞掩朱門，正是天將暮。
暗澹小庭中，滴滴梧桐雨。
繡工夫，牽心緒。配盡鴛鴦縷。
待得沒人時，隈倚綳私語。
暖日策花驄。鞭垂楊陌。
芳草惹烟青，落絮隨風白。
誰家綉轂動香塵，隱映神仙客。
狂殺玉鞭郎，咫尺音容隔。

金井墜高梧，玉殿籠斜月。
永巷寂無人，斂態愁堪絕。
玉爐寒香燼滅，還似君恩歇。
翠輦不歸來，幽恨將誰說。

臨江仙

霜拍井梧乾葉墮翠幃雕檻初寒薄鉛殘黛稱花冠含
情無語延佇倚闌干 杳杳征輪何處去離愁別恨千
般不堪心緒正多端鏡奩長掩無意對孤鸞

莫雨淒淒深院閉燈前凝坐初更玉釵低壓鬢雲橫半
垂羅幕相映燭光明 終是有心投漢珮低頭但理秦
箏燕雙鸞耦不勝情只愁明發將逐楚雲行

酒泉子

空磧無邊萬里陽關道路馬蕭蕭人去去隴雲愁香

韶舊製戎衣窄邊霜千里白綺羅心魂夢隔上高樓
曲檻小樓正是鶯花二月思無憀愁欲絕鬱離襟展
屏空對瀟湘水眼前千萬里淚掩紅眉斂翠恨沉沉
斂態窻前裊裊雀釵拋頸燕成雙鸞對影耦新知玉
纖澹拂眉山小鏡中嗔共照翠連娟紅縹緲早粧時

清平樂

愁腸欲斷正是青春半連理分枝鸞失伴又是一場離
散掩鏡無語眉低思隨芳草淒淒憑使東風吹夢與

郎終日東西

等閒無語春恨如何去終是疎狂留不住花暗柳濃何處
盡日目斷魂飛晚窓斜界殘暉長恨朱門薄莫綉
鞍驄馬空歸

更漏子

聽寒更聞遠雁半夜蕭娘深院扃綉戶下珠簾滿庭噴
玉蟾人語靜香閨冷紅幕半垂清影雲雨態蕙蘭心
此情江海深

今夜期來日別相對祇堪愁絕隈粉面拋瑤簪無言淚
滿襟 銀箭落霜華薄牆外曉雞唧唧聽付囑惡情悵
斷腸西復東

女冠子

蕙風芝露壇際殘香輕度蕊珠宮苔點分圓碧桃花踐
破紅 品流巫峽外名籍紫微中真侶墉城會夢魂通
淡花瘦玉依約神仙粧束佩瓊文瑞露通宵貯幽香盡
日焚 碧紗籠絳節黃藕冠濃雲勿以吹簫伴不同羣

風流子

茅舍槿籬溪曲雞犬自南自北菰葉長水荻開門外春
波漲淥聽織聲促軋軋鳴梭穿屋

樓倚長衢欲莫瞥見神仙伴侶微傳粉攏梳頭隱映畫
簾開處無語無緒慢曳羅裙歸去

金絡玉銜嘶馬繫向綠楊陰下朱戶掩綉簾垂曲院水
流花謝歡罷歸也猶在九衢深夜

定西番

雞祿山前遊騎邊
草白朔天明馬蹄輕
鵲面弓離短
鵲彎來月欲成一隻鳴驛雲外曉鴻驚

帝子枕前秋夜霜
幄冷月華明正三更
何處戍樓寒
笛夢殘聞一聲遙想漢關萬里淚縱橫

河滿子

冠劍不隨君去
江河還共恩深
歌袖半遮眉黛慘
淚珠旋滴衣襟
惆悵雲愁雨怨
斷魂何處相尋

玉胡蝶

春欲盡景仍長滿園花正黃粉翅兩悠颺翩翩過短牆
鮮颺暖牽遊伴飛去立殘芳無語對蕭娘舞衫沉麝
香

八拍蠻

孔雀尾拖金線長怕人飛起入丁香越女沙頭爭拾翠
相呼歸去背斜陽

竹枝

門前春水

竹枝

白蘋花

女兒

岸上無人

竹枝

小艇斜

女

兒商女經過竹枝江欲莫女兒散拋殘食竹枝飼神鷄

女兒亂繩千結竹枝絆人深女兒越羅萬丈竹枝表長

尋女兒楊柳在身竹枝垂意緒女兒藕花落盡竹枝見

蓮心女兒

思帝鄉

如何遣情情更多永日水堂簾下斂羞蛾六幅羅裙窄
地微行曳碧波看盡滿池疎雨打團荷

上行盃

草草離亭鞍馬從遠道此地分袂燕宋秦吳千萬里
無辭一醉野棠開江草濕佇立沾泣征騎駸駸

離棹逡巡欲動臨極浦故人相送去住心情知不共
金船滿捧綺羅愁絲管咽迴別帆影滅江浪如雪

謁金門

留不得留得也應無益白紵春衫如雪色揚州初去日
輕別離甘拋擲江上滿帆風疾却羨綵鴛三十六孤
鸞還一隻

思越人

古臺平芳草遠館娃宮外春深翠黛空留千載恨教人
何處相尋綺羅無復當時事露花點滴香淚惆悵遙
天橫淥水鴛鴦對對飛起

渚蓮枯宮樹老長洲廢苑蕭條想像玉人空處所月明
獨上溪橋經春初敗秋風起紅蘭綠蕙愁死一片風
流傷心地魂銷目斷西子

楊柳枝

閨門風暖落花乾飛遍江城雪不寒獨有晚來臨水驛
間人多凭赤闌干

有池有榭即濛濛浸潤翻成長養功恰似有人長點檢
著行排立向春風

根柢雖然傍濁河無妨終日近笙歌驂驂金帶誰堪比
還共黃鸝不校多

萬株枯槁怨亡隋似弔吳臺各自垂好是淮陰明月裏
酒樓橫笛不勝吹

望梅花

數枝開與短牆平見雪萼紅附相映引起誰人邊塞情
簾外欲三更吹斷離愁月正明空聽隔江聲

漁歌子

草芊芊波漾漾湖邊草色連波漲
苕蓼岸泊楓汀天際
玉輪初上扣舷歌聯極望
槳聲伊軋知何向黃鵠叫
白鷗眠誰似儂家疎曠

泛流螢明又滅夜涼水冷東灣濶
風浩浩笛寥寥萬頃

金波澄澈 杜若洲香郁烈一聲宿雁霜時節經雪水
過松江盡屬儂家日月

菩薩蠻

魏承班

羅裾薄薄秋波染眉間畫時山兩點相見綺筵時深情
暗共知 翠翹雲鬢動斂態彈金鳳宴罷入蘭房邀人
解珮璫

羅衣隱約金泥畫玳筵一曲當秋夜聲顫覩人嬌雲鬢
裊翠翹 酒醺紅玉軟眉翠秋山遠綉幌麝烟沉誰人

知兩心

花間集卷八

欽定四庫全書

花間集卷九

四十九首

後蜀 趙崇祚 編

魏承班十三首

滿宮花一首

木蘭花一首

玉樓春二首

訴衷情五首

生查子二首

黃鍾樂一首

漁歌子一首

鹿虔扈六首

臨江仙二首

女冠子二首

思越人一首

虞美人一首

閻選八首

虞美人二首

臨江仙二首

浣溪沙一首

八拍蠻二首

河傳一首

尹鶚六首

臨江仙二首

滿宮花一首

杏園芳一首

醉公子一首

菩薩蠻一首

毛熙震十六首

浣溪沙七首

臨江仙二首

更漏子二首

女冠子二首

清平樂一首

南歌子二首

滿宮花

魏承班

雪霏霏風凜凜玉郎何處狂飲醉時想得縱風流羅帳
香幃鴛鴦春朝秋夜思君甚愁見綉屏孤枕少年何
事負初心淚滴縷金雙衽

木蘭花

小芙蓉香旖旎碧玉堂深清似水閉寶匣掩金鋪倚屏
拖袖愁如醉遲遲好景烟花媚曲渚鴛鴦眠錦翅凝
然愁望靜相思一雙笑靨嚬香蕊

玉樓春

寂寂畫堂梁上燕高卷翠簾橫數扇一庭春色惱人來
滿地落花紅幾片愁倚錦屏低雪面淚滴綉羅金縷
線好天涼月盡傷心為是玉郎長不見

輕斂翠蛾呈皓齒鶯囀一枝花影裏聲聲清迥過行雲
寂寂畫梁塵暗起玉笋滿斟情未已促坐王孫公子
醉春風筵上貫珠勻豔色韶顏嬌旖旎

訴衷情

高歌宴罷月初盈詩情引恨情烟露冷水流輕思想夢

難成 羅帳裊香平恨頻生思君無計睡還醒隔層城
春深花簇小樓臺風飄錦繡開新睡覺步香堦山枕印
紅腮 鬢亂墜金釵語檀隈臨行執手重重囑幾千迴
銀漢雲情玉漏長蛩聲悄畫堂筠簟冷碧窓涼紅螭淚
飄香 皓月瀉寒光割人腸那堪獨自步池塘對鴛鴦
金風輕透碧窓紗銀缸焰影斜欹枕卧恨何賒山掩小
屏霞 雲雨別吳娃想容華夢成幾度遶天涯到君家
春情滿眼臉紅綃嬌妬索人饒星靨小玉璫搖幾共醉

春朝 別後憶纖腰夢魂勞如今風葉又蕭蕭恨迢迢
生查子

烟雨晚晴天零落花無語難話此時心梁燕雙來去
琴韻對薰風有恨和情撫腸斷斷絃頻淚滴黃金縷
寂寞畫堂空深夜垂簾幕燈暗錦屏敲月冷珠簾薄
愁恨夢應成何處貪歡樂看看又春來還是長蕭索

黃鍾樂

池塘烟暖草萋萋惆悵閒宵含恨愁坐思堪迷遙想玉

人情事遠音容渾是隔桃溪
偏記同歡秋月低簾外
論心花畔和醉暗相攜何事
春來君不見夢魂長在錦
江西

漁歌子

柳如眉雲似髮鮫綃霧縠籠香雪
夢魂驚鍾漏歇窗外
曉鶯殘月
幾多情無處說
落花飛絮清明節
少年郎
容易別一去音書斷絕

臨江仙

鹿虔扈

金鎖重門荒苑靜綺窓愁對秋空翠華一去寂無蹤玉
樓歌吹聲斷已隨風烟月不知人事改夜闌還照深
宮藕花相向野塘中暗傷亡國清露泣香紅

無賴曉鴛鴦夢斷起來殘酒初醒映窓絲柳裊烟青翠
簾慵卷約砌杏花零一自玉郎遊冶去蓮凋月慘儀
形莫天微雨洒閒庭手按裙帶無語倚雲屏

女冠子

鳳樓琪樹惆悵劉郎一去正春深洞裏愁空結人間信

莫尋竹疎齋殿迥松密醮壇陰倚雲低首望可知心
步虛壇上絳節霓旌相向引真仙玉珮搖蟾影金爐裊
麝烟露濃霜簡濕風緊羽衣偏欲留難得住却歸天

思越人

翠屏敲銀燭背漏殘清夜迢迢雙帶綉窠盤錦薦淚侵
花暗香銷珊瑚枕膩鴉鬟亂玉纖慵整雲散若是適
來新夢見離腸爭不千斷

虞美人

卷荷香澹浮烟渚綠嫩擎新雨璫窠疎透曉風清象床
珍簟冷光輕水紋平九疑黛色屏斜掩枕上眉心斂
不堪相望病將成鈿昏檀粉淚縱橫不勝情

虞美人

閻選

粉融紅膩蓮房綻臉動雙波慢小魚銜玉鬢釵橫石榴
裙染象紗輕轉娉婷偷期錦浪荷深處一夢雲兼雨
臂留檀印齒痕香深秋不寐漏初長盡思量

楚腰齊領團香玉鬢疊深深綠月蛾星眼笑微頻柳天

桃豔不勝春晚粧勻 水紋簟映青紗帳霧罩秋波上
一枝嬌臥醉芙蓉良宵不得與君同恨忡忡

臨江仙

雨停荷芰逗濃香岸邊蟬噪垂楊物華空有舊池塘不
逢仙子何處夢襄王 珍簟對敲鴛枕冷此來塵暗淒
涼欲憑危檻恨偏長藕花珠綴猶似汗凝粧

十二高峯天外寒竹梢輕拂仙壇寶衣行雨在雲端畫
簾深殿香霧冷風殘 欲問楚王何處去翠屏猶掩金

鸞猿啼明月照空灘孤舟行客驚夢亦艱難

浣溪沙

寂寞流蘇冷綉茵倚屏山枕惹香塵小庭花露泣濃春
劉阮信非仙洞客常娥終是月中人此生無路訪東
鄰

八拍蠻

雲鏤嫩黃烟柳細風吹紅帶雪梅殘光影不勝閨閣恨
行行坐坐黛眉攢

愁鎖黛眉烟易慘
淚飄紅臉粉難勻
憔悴不知緣底事
遇人推道不宜春

河傳

秋雨秋雨無晝無夜
滴滴霏霏暗燈涼簟
怨分離妖姬不勝悲
西風稍急喧窻竹停
又續膩臉懸雙玉幾迴
邀約雁來時違期雁歸人不歸

臨江仙

尹鷗

一番荷芰生池沼
檻前風送馨香
昔年於此伴蕭娘
相

隈佇立牽惹敘衷腸
時逞笑容無限態還如菡萏爭
芳別來虛遣思悠悠
慵窺往事金鑠小蘭房

深秋寒夜銀河靜
月明深夜中庭西窻幽夢等閑成
逡巡覺後特地恨難平
紅燭半條殘焰短依稀暗背銀
屏枕前何事最傷情
梧桐葉上點點露珠零

滿宮花

月沉沉人悄悄
一炷後庭香
裊風流帝子不歸來
滿地禁花慵掃
離恨多相見少
何處醉迷三島
漏清宮樹

子規啼愁鎖碧窗春曉

杏園芳

嚴粧嫩臉花明
交人見了關情含羞舉步越羅輕稱娉婷
終朝咫尺窺香閣
迢迢似隔層城
何時休遣夢相縈
入雲屏

醉公子

莫烟籠蘚砌
戟門猶未閉
盡日醉尋春
歸來月滿身
離鞍隈綉袂
墜巾花亂綴
何處惱佳人
檀痕衣上新

菩薩蠻

隴雲暗合秋天白
俯窻獨坐窺烟陌
樓際角重吹黃昏
方醉歸
荒唐難共語
明日還應去
上馬出門時
金鞭
莫與伊

浣溪沙

毛熙震

春莫黃鸝下砌前
水精簾影露珠懸
綺霞低映晚晴天
弱柳萬條垂翠帶
殘紅滿地碎香鈿
蕙風飄蕩散輕烟

花榭香紅烟景迷滿庭芳草綠萋萋金鋪閑掩綉簾低
紫燕一雙嬌語碎翠屏十二晚峯齊夢魂銷散醉空

閨

晚起紅房醉欲銷綠鬟雲散裊金翹雪香花語不勝嬌
好是向人柔弱處玉纖時急綉裙腰春心牽惹轉無
膠

一隻橫釵墜髻叢靜眠珍簟起來慵綉羅紅嫩抹蘇胸
羞斂細蛾魂暗斷困迷無語思猶濃小屏香靄碧山

重

雲薄羅裙綬帶長
滿身新裛瑞龍香
翠鈿斜映豔梅粧
佯不覩人空婉約
笑和嬌語太猖狂
忍教牽恨暗形相

碧玉冠輕裊燕釵
捧心無語步香堦
緩移弓底綉羅鞋
暗想歡娛何計好
豈堪期約有時乖
日高深院正忘懷

半醉凝情卧綉茵
睡容無力卸羅裙
玉籠鸚鵡厭聽聞

慵整落釵金翡翠象梳敲鬢月生雲錦屏綃幌麝烟薰

臨江仙

南齊天子寵嬋娟六宮羅衣三千潘妃嬌豔獨芳妍椒
房蘭洞雲雨降神仙縱態迷歡心不足風流可惜當年
纖腰婉約步金蓮妖君傾國猶自至今傳

幽閨欲曙聞鶯囀紅窻月影微明好風頻謝落花聲隔
幃殘燭猶照綺屏箏綉被錦茵眠玉暖炷香斜裊烟

輕淡蛾羞斂不勝情暗思閑夢何處逐雲行

更漏子

秋色清河影淡深戶燭寒光暗綃幌碧錦衾紅博山香
炷融更漏咽蛩鳴切滿院霜華如雪新月上薄雲收
映簾懸玉鉤

烟月寒秋夜靜漏轉金壺初永羅幕下綉屏空燈花結
碎紅人悄悄愁無了思夢不成難曉長憶得與郎期
竊香私語時

女冠子

碧桃紅杏遲日媚籠光影綵霞深香暖薰鶯語風清引
鶴音翠鬟冠玉葉霓袖捧瑤琴應共吹簫侶暗相尋
脩蛾慢臉不語檀心一點小山粧蟬鬢低含綠羅衣澹
拂黃悶來深院裏閒步落花傍纖手輕輕整玉爐香

清平樂

春光欲莫寂寞閑庭戶粉蝶雙雙穿檻舞簾捲晚天疎
雨含愁獨倚閨幃玉爐烟斷香微正是銷魂時節東

風滿樹花飛

南歌子

遠山愁黛碧橫波慢臉明膩香紅玉
茜羅輕深院晚堂人靜理銀箏
鬢動行雲影裙遮點屐聲嬌羞愛問曲
中名楊柳杏花時節幾多情

惹恨還添恨牽腸即斷腸凝情不語一枝芳獨映畫簾
閒立綉衣香暗想為雲女應憐傳粉郎晚來輕步出
閨房髻慢釵橫無力縱猖狂

花間集卷九

欽定四庫全書

花間集卷十

五十首

後蜀 趙崇祚 編

毛熙震十三首

河滿子二首

小重山一首

定西番一首

木蘭花一首

後庭花三首

酒泉子二首

菩薩蠻三首

李珣三十七首

浣溪沙四首

漁歌子四首

巫山一段雲二首

臨江仙二首

南鄉子十首

女冠子二首

酒泉子四首

望遠行二首

菩薩蠻三首

西溪子一首

虞美人一首

河傳二首

河滿子

毛熙震

寂寞芳菲暗度歲華如箭堪驚緬想舊歡多少事轉添
春思難平曲檻絲垂金柳小窓絃斷銀箏深院空聞
燕語滿園閒落花輕一片相思休不得忍教長日愁生
誰見夕陽孤夢覺來無限傷情

無語殘粧澹薄含羞嬋袂輕盈幾度香閨眠過曉綺窓
疎日微明雲母帳中偷惜水精枕上初驚笑靨嫩疑
花坼愁眉翠斂山橫相望只教添悵恨整鬟時見纖瓊
獨倚朱扉閒立誰知別有深情

小重山

梁燕雙飛畫閣前，寂寥多少恨。
嬾孤眠，曉來閑處想君。
憐紅羅帳金鴨冷，沉烟誰信損。
嬋娟倚屏啼玉筍，濕香鈿四支無力。
上鞦韆，羣花謝，愁對豔陽天。

定西番

蒼翠濃陰滿院，鶯對語，蝶交飛。
戲薔薇，斜日倚闌風好，餘香出繡衣。
未得玉郎消息，幾時歸。

木蘭花

掩朱扉鉤翠箔滿院鶯聲春寂寞
勻粉淚恨檀郎一去
不歸花又落
對斜暉臨小閣前事豈堪重想著
金帶
冷畫屏幽寶帳慵薰蘭麝薄

後庭花

鶯啼燕語芳菲節
庭花發昔時歡宴歌聲揭
管絃清越
自從陵谷追遊歇
畫梁塵黥傷心一片如珪月
閒
鎖宮闕

輕盈舞妓含芳豔
競粧新臉步搖珠翠脩蛾斂
膩鬟雲

染歌聲慢發開檀點綉衫斜掩時將纖手勻紅臉笑
拈金靨

越羅小袖新香清薄籠金釧倚闌無語搖輕扇半遮勻
面春殘日暖鶯嬌嬾滿庭花片爭不教人長相見畫
堂深院

酒泉子

閒卧綉幃慵想萬般情寵錦檀偏翹股重翠雲散莫
天屏上春山碧映香烟霧隔蕙蘭心魂夢後斂蛾眉

鈿匣舞鸞隱映豔紅脩碧月梳斜雲鬢膩粉香寒曉
花微斂輕呵展裊釵金燕軟日初昇簾半捲對殘粧

菩薩蠻

梨花滿院飄香雪高樓夜靜風箏咽斜月照簾帷憶君
和夢稀小窓燈影背燕語驚愁態屏掩斷香飛行雲
山外歸

綉簾高軸臨塘看雨翻荷芰真珠散殘暑晚初涼輕風
渡水香無慘悲往事爭那牽情思光影暗相催等閒

秋又來

天含殘碧融春色五陵薄倖無消息
盡日掩朱門離愁暗斷魂
鶯啼芳樹暖燕拂迴塘滿
寂寞對屏山相思醉夢間

浣溪沙

李珣

入夏偏宜澹薄粧
越羅衣褪鬱金黃
翠鈿檀注助容光
相見無言還有恨
幾迴判却又思量
月窻香逕夢悠飈

晚出閑庭看海棠風流學得內家粧小釵橫戴一枝芳
鏤玉梳斜雲鬢膩縷金衣透雪肌香暗思何事立殘
陽

訪舊傷離欲斷魂無因重見玉樓人六街微雨鏤香塵
早為不逢巫峽夢那堪虛度錦江春遇花傾酒莫辭
頻

紅藕花香到檻頻可堪閒憶似花人舊歡如夢絕音塵
翠疊畫屏山隱隱冷鋪紋簟水潏潏斷魂何處一蟬

新

卷十

漁歌子

楚山青湘水綠春風淡蕩看不足
草芊芊花簇簇漁艇棹歌相續
信浮沉無管束釣迴乘月歸灣曲
酒盈樽雲滿屋不見人間榮辱

荻花秋瀟湘夜橘洲佳景如屏畫
碧烟中明月下小艇垂綸初罷
水為鄉蓬作舍魚羹稻飯常食也
酒盈杯書滿架名利不將心挂

柳垂絲花滿樹鶯啼楚岸春天莫棹輕舟出深浦緩唱
漁歌歸去 罷垂綸還酌醕孤村遙指雲遮處下長汀
臨淺渡驚起一行沙鷺
九疑山三湘水蘆花時節秋風起水雲間山月裏棹月
穿雲遊戲 鼓清琴傾綠蟻扁舟自得逍遙志任東西
無定止不議人間醒醉

巫山一段雲

有客經巫峽停橈向水湄楚王曾此夢瑤姬一夢杳無

期塵暗珠簾卷香銷翠幄垂西風回首不勝悲暮雨
洒空祠

古廟依青嶂行宮枕碧流水聲山色鏤粧樓往事思悠
悠雲雨朝還暮烟花春復秋啼猿何必近孤舟行客
自多愁

臨江仙

簾捲池心小閣虛暫涼閑步徐徐芰荷經雨半凋疎拂
堤垂柳蟬噪夕陽餘不語低鬟幽思遠玉釵斜墜雙

魚幾迴偷看寄來書離情別恨相隔欲何如

鴛報簾前暖日紅玉爐殘麝猶濃起來閨思尚踈慵別
愁春夢誰解此情悰強整嬌姿臨寶鏡小池一朵笑
容舊歡無處再尋蹤更堪迴顧屏画九疑峯

南鄉子

烟漠漠雨淒淒岸花零落鷓鴣啼遠客扁舟臨野渡思
鄉處潮退水平春色莫

蘭橈舉水紋開競攜藤籠採蓮來迴塘深處遙相見邀

同宴淥酒一卮紅上面

歸路近扣舷歌採真珠處水風多曲岸小橋山月過烟
深鑱豈寇花垂千萬朶

乘綵舫過蓮塘棹歌驚起睡鴛鴦帶香遊女隈伴笑爭
窈窕競折團荷遮晚照

傾淥蟻泛紅螺閒邀女伴簇笙歌避暑信船輕浪裏閑
遊戲夾岸荔枝紅醺水

雲帶雨浪迎風釣翁迴棹碧灣中春酒香熟鱸魚美誰

同醉纜却扁舟蓬底睡

沙月靜水烟輕
芰荷香裏夜船行
綠鬟紅臉誰家女
遙相顧緩唱棹歌極浦去

漁市散渡船稀
越南雲樹望中微
行客待潮天欲暮
送春浦愁聽猩猩啼瘴雨

攏雲髻背犀梳
焦紅衫映綠羅裾
越王臺下春風暖
花盈岸遊賞每邀鄰女伴

相見處晚晴天
刺桐花下越臺前
暗裏迴眸深屬意
遺

雙翠騎象背人先過水

女冠子

星高月午丹桂青松深處醺壇開金磬敲清露珠幢立
翠苔步虛聲縹緲想像思徘徊曉天歸去路指蓬萊
春山夜靜愁聞洞天疎磬玉堂虛細霧垂珠珮輕烟曳
翠裾對花情脈脈望月步徐徐劉阮今何處絕來書

酒泉子

寂寞青樓風觸綉簾珠碎撼月朦朧花暗淡鎖春愁

尋思枉事依稀夢
淚臉露桃紅色
重鬢敲蟬釵墜鳳思
悠悠

雨清花零紅散香凋池
兩岸別情遙春歌斷掩銀屏
孤帆早晚離三楚
閑理鈿箏愁幾許
曲中情絃上語不
堪聽

秋雨聯綿聲散敗荷叢裏
那堪深夜枕前聽
酒初醒
牽愁惹思更無停
燭暗香凝天欲曉
細和烟冷和雨透
簾中

秋月嬋娟皎潔碧紗窗外照花穿竹冷沈沈印池心

凝露滴砌蛩吟驚覺謝娘殘夢夜深斜倚枕前來影徘徊

望遠行

春日遲遲思寂寥行客關山路遙瓊窓時聽語鶯嬌柳
絲牽恨一條條休暈綉罷吹簫貌逐殘花暗凋同心
猶結舊裙腰忍辜風月度良宵

露滴幽庭落葉時愁聚蕭娘柳眉玉郎一去負佳期水

雲迢遞雁書遲
屏半掩枕斜欹
蠟淚無言對垂
吟蛩
斷續漏頻移入
窓明月鑒空帷

菩薩蠻

迴塘風起波紋細
刺桐花裏門斜閉
殘日照平蕪
雙雙飛鷓鴣
征帆何處客
相見還相隔
不語欲魂銷
望中烟水遙

等閒將度三春景
簾垂碧砌參差影
曲檻日初斜
杜鵑啼落花
恨去容易處
又話瀟湘去
凝思倚屏山
淚流

紅臉班

隔簾微雨雙飛燕
砌花零落紅深淺
捻得寶箏調心隨
征棹遙
楚天雲外路動便經年去
香斷畫屏深
舊歡何處尋

西溪子

金縷翠鈿浮動粧罷小
窻圓夢日高時
春已老人來到
滿地落花慵掃
無語倚屏風
泣殘紅

虞美人

金籠鴛報天將曙驚起分飛處夜來潛與玉郎期多情
不覺酒醒遲失歸期映花避月遙相送膩髻偏垂鳳
却迴嬌步入香閨倚屏無語撚雲篦翠眉低

河傳

去去何處迢迢巴楚山水相連朝雲暮雨依舊十二峯
前猿聲到客船愁腸豈異丁香結因離別故國音書
絕想佳人花下對明月春風恨應同

春莫微雨送君南浦愁斂雙蛾落花深處啼鳥似逐離

歌粉檀珠淚和 臨流更把同心結情哽咽後會何時
節不堪迴首相望已隔汀洲艣聲幽

花間集皆唐末五代時人作方斯時天下岌岌生
民救死不暇士大夫乃流宕如此可歎也哉或者
出於無聊故邪笠澤翁書

唐自大中後詩家日趣淺薄其間傑出者亦不復
有前輩闕妙渾厚之作久而自厭然枯於俗尚不
能拔出會有倚聲作詞者本欲酒間易曉頗擺落


故態適與六朝跌宕意氣差近此集所載是也故
歷唐李五代詩愈卑而倚聲者輒簡古可愛蓋天
寶以後詩人常恨文不追大中以後詩衰而倚聲
作使諸人以其所長格力施於所短則後世孰得
而議筆墨馳騁則一能此不能彼未易以理推也
開禧元年十二月乙卯務觀東籬書

据陳氏云花間集十卷自溫飛卿而下十八人凡
五百首今逸其二已不可考近來坊刻往往繆其

姓氏續其卷帙大非趙弘基氏本來面目余家藏
宋刻前有歐陽炯序後有陸放翁二跋真完璧也
隱湖毛晉識

近來填詞家輒效顰柳屯田作閨幃穢媒之語無
論筆墨勸淫應陸犢舌地獄於紙窓竹屋間令人
掩鼻而過不慙惶無地邪若彼白眼罵坐臧否人
物自詫辛稼軒後身者譬如雷大起舞縱使極工
要非本色張宛丘云幽索如屈宋悲壯如蘇李始

可與言詞也已矣亟梓斯集以為倚聲填詞之祖
但李翰林菩薩蠻憶秦娥及南唐二主馮延巳諸
篇俱未入選不無遺珠之憾云晉又識



花間集卷十